

॥ भूसूक्तम् ॥

(तैत्तिरीय संहिता काण्डम् - १/प्रपाठकः - ५/अनुवाकः - ३)

भूमिर्भूम्ना द्यौर्वैरिणाऽन्तरिक्षं महित्वा। उपस्थे ते देव्यदितेऽग्नि-
मन्नादमन्नाद्यायाऽऽदधे। आऽयङ्गौः पृश्निरकमीदसनन्मातरं पुनः।
पितरं च प्रयन्त्सुवः। त्रिंशद्धाम वि राजति वाक्पतङ्गाय शिश्रिये।
प्रत्यस्य वह द्युभिः। अस्य प्राणादपानत्यन्तश्चरति रोचना।
व्यव्यन् महिषः सुवः॥

यत्त्वा॑ क्रुद्धः परोवप॑ मन्युना॒ यदवर्त्या॑। सुकल्पमग्ने॒ तत्तव॑
पुनस्त्वोद्दीपयामसि। यत्ते॑ मन्युपरोक्षस्य पृथिवीमनु॑ दध्वसे।
आदित्या॑ विश्वे तद्देवा वसवश्च॒ समाभरन्। मनो॑ ज्योतिर्जुषता॒माज्यं॑
विच्छिन्नं॒ यज्ञं॑ समिमं॒ दधातु॑। बृहस्पतिस्तनुतामिमं॒ नो विश्वे॑ देवा
इह मादयन्ताम्। सप्त॒ ते अग्ने॑ समिधः॒ सप्त॒ जिह्वाः॒ सप्तर्षयः॒ सप्त॒
धाम॑ प्रियाणि।

सप्त॒ होत्राः॑ सप्त॒धा त्वा॑ यजन्ति सप्त॒ योनी॑रापृणस्वा घृतेन॑।
पुनरूर्जा॑ नि वर्तस्व पुनरग्न॑ इषाऽऽयुषा। पुनर्नः॑ पाहि विश्वतः॑। स॒ह
र॒य्या नि वर्त॑स्वाऽग्ने पिन्वस्व॒ धारया॑। विश्वफि॒स्रया॑ विश्वत॒स्परी॑।
लेकः॒ सलेकः॒ सुलेक॑स्ते न आदित्या॑ आज्यं॒ जुषा॑णा वियन्तु॒ केतः॑
सकेतः॒ सुकेत॑स्ते न आदित्या॑ आज्यं॒ जुषा॑णा वियन्तु॒ विवस्वा॑
अदि॒तिर्दे॒वजूति॑स्ते न आदित्या॑ आज्यं॒ जुषा॑णा वियन्तु।